

EXERCITATIO
DE
DVCIBVS ET
COMITIBVS IMPE-
RII GERMANICI,

QVAM

Deo annuente,

PRAESIDE

*Viro Clarissimo, Excellentissimo, atq[ue]
Experientissimo,*

HERMANNO CONRINGIO
PHILOS. AC MEDICINAE D.
HVIVSQUE PROFESSORE
PVBLICO,

Præceptore ac Fautore meo pluri-
mum observando.

*Publicè disputandam propono
d. r. Iulij.*

GEORGIUS ADAMVS *Strube/*
MAGDEBVRG.



HELMESTADII

Typis HENNINGI MÜLLERI, Acad. Typ.

Anno clb lsc XLIII.

14

EXERCITII
DVCIBVS ET
DOCTISSIMIS
HABITU

HELENO CONFINCIO
HABITU
HABITU

BOCCIO HABITU
HABITU

HABITU
HABITU

B. C. D.

De.

DVCIBVS ET COMITIBVS
IMPERII GERMANICI.

Thesis I.



Antiquis Germaniæ tempo-
ribus Ducum officium atque di-
gnitatem bellicam fuisse docet
nos Iulius Cæsar *L. 6. de bell. Gall*
de Germanis ita scribens: *Cum*
bellum Civitas aut illatum defen-
dit aut inferit, magistratus qui ei
bello præsent, ut vita necisq, habeant
potestatem, diliguntur. Cui jun-
gendus C. Cornelius Tacitus: *Reges, inquiens, ex nobili-*
tate, Duces ex virtute sumunt. Nec Regibus infinita aut li-
bera potestas: & Duces exemplo potius, quam imperio, si prom-
pri, si conspicui, si ante aciem agant, admiratione præsent. c. 7.
de mor. Germ.

II. Licet vero id, quod d. l. statim subjicit Cæsar
in pace Germanis nullum commune esse magistratum, de o-
mnibus verum non sit: siquidem ex jam allegatis Taciti
verbis constat, præter paucissimos, quibus unus regem
imperavit (uti de Saxonibus notat Tacitus de mor. Germ.
6. 44.) fuisse etiam populos, qui sibi Regem vel Principem

per se ex nobilitate sumserunt & sub ejus vixerunt imperio, non tamen absoluto, sed ita, ut majestas penes populum maneret, quod patet ex eodem Tacito dicente, *Regem in concilio audiri auctoritate suadente magis quam imperandi.* Et de his dici potest idem, quod Aristoteles alicubi dicit, priscis temporibus eundem populi eundemque exercitum fuisse Ducum. *5. Pol. 5.*

III. Plerique tamen populi ejusmodi communem magistratum pacis tempore & simul perpetuum quasi belli Ducem (uti de Lacedæmonium Regibus loquitur Aristot. *3. Pol. 14.*) non habuerunt: unde Tacitus *L. II. Annal. c. 44.* scribit: *Maroboduus Regis nomen invisum apud populares; Arminium pro libertate pugnantem favor habebat.* Cum enim Germani libertatis famam Græcis juxta ac Latinis monumentis maximè celebrentur non potuit non ipsis mere regium imperium esse invisum, democraticam autem reip. administratio gratissima, ut constat ex *14. Pol. 4.*

IV. Hi itaque populi bellum suscepturi omnino necesse habuerunt unum aliquem, respectu habito ad bellicam virtutem eligere totique exercitui præficere, quem proculdubio *Heertog* vel *Heertzog* dixere, vid. *Phil. Cluver. L. 1. ant. Germ. c. 46.* Exemplum invenire licet apud Tacitum *L. 4. Hist. c. 15.* in Brinione Caninefate, quippe cum Civilis Batavis rebellionem in Romanos Batavis suis persuasisset, tractis in belli societatem Caninefatibus ac Frisiis, *Brinio, stolidæ audaciæ Caninefas, claritate natalium insignis, cujus pater multa hostilia ausus, Cajanarum expeditionum ludibrium impune spreverat, igitur ipse rebellis famulæ nomine placuit, impositusq. scuto morogenis & sustinentium humeris vibratus Dux deligitur totius scilicet exercitus, qui ex Batavis, Caninefatibus ac Frisiis*

his constabat. Ritum, quem in præficiendo Duce adhibuerunt, discimus ex proximè allatis verbis, deligebatur nim. Dux à multitudine in Concilio; delectus scuto imponebatur, atque in sublime sustinentium humeris elevabatur, inque gyrum circumlatus Dux belli decreti salutabatur: quem eundem morem etiam in Regum constitutione à Germanis, ut & à Romanis militibus Imp. declarantibus, adhibitum esse testibus confirmat Cluverius d. c. 46.

V. Potestatem illorum Ducum quod attinet, in eâ definiendâ discrepant Iulius Cæsar & Tacitus: ille *potestatem viam & nec* ipsi adscribit; hic vero allegatis *ib. s.* verbis hæc subjicit: *ceterum neq. animadvertere, neq. vincere neque verberare quidem nisi sacerdotibus permissum: non quasi in penam, nec ducis jussu, sed velut Deo imperante.* Verum cum Tacito res Germanicæ magis perspectæ fuerint, potior ei meritò fides habenda; præsertim cum non verisimile sit ejusmodi temporario Duci plus Germanos tribuisse, quàm perpetuo belli Duci sive Regi: cujus quæ fuerit potestas ipse docet Cæsar L. v. de bell. Gall. ubi refert orationem Ambiorigis Eburonum dimidiæ partis Regis, in quâ habetur: *id quod feceris de oppugnatione castrorum non judicio aut voluntate suâ fecisse sed coactu civitatis: suag. esse ejusmodi imperia, ut non minus haberet juris in se multitudo, quàm ipse in multitudinem.* Neq; tamen hinc colligendum omnino nihil potestatis fuisse Ducibus: parendum enim utique erat ipsorum imperatis, licèt ipsi in inobædientes animadvertere non potuerint, nec soli de re alicujus momenti statuere. Vnde legimus apud Tacitum. L. 2. *Annal. c. 45.* Inguiomerum cum manu clientum ad Maroboduum perfugisse *non aliam ob causam, quàm quia fratris filio juveni* (Arminio Duci)

patruus senex parere dedignabatur. At verò finito bello his Ducibus nullam competiſſe poteſtatem ſatis appareret; eodem tamen inter nobiliores relatos & magno in honore fuiſſe quis dubitet?

VL. Cæterum cum non ſolùm neceſſarium ſit civitati, ſi velit tueri libertatem, ut in eâ ſint qui bella gerant, ſed etiam quàm maximè neceſſarium ſit, ut ſint, qui jus dicant, docente Ariſtotele 4. *Pol.* 4. Hinc quoque à Germanis non tantùm bellicus magiſtratus conſtitutus, ſed & electi ex nobilitate qui jura per pagos vicoſq; redderent, quos ab antiquiſſimis temporibus *Graven* (quæ vox judicem ſignificat, *gloſſ. ſpec. Sax. L. 3. art. 13.* *Ein Graff* bedeut nach altem *Eächſiſchen* *Deuſchen* ein Richter / darumb haben dieſen Nahmen viel unterſchieden Richter) dictos ſequior ætas nomine in Imperio Romano poſt Conſtantinum uſitato *Comites*; Caſar & Tacitus Principes appellant. Ita enim ille L. vi. de bell. Gall. *in pace nullus eſt communis magiſtratus, ſed Principes regionum atq; pagorum inter ſuos jus dicunt controverſiaſq; minuunt.* Hujus verba ſunt: *Eliguntur in iſſdem concilijs & Principes, qui jura per pagos vicoſq; reddunt.* c. 12. de mor. Germ. Item c. 11. *De minoribus rebus Principes conſultant, de majoribus omnes, ita tamen, ut ea quoque, quorum pene plebem arbitrium eſt, apud Principes prætrahantur.* De iſſdem Idem c. 13. ait: *in ſignis nobilitas aut magna patrum merita Principis dignationem & adoleſcentulis aſſignant.* Ex quibus monumentis apparet, à quibus & ex quibus electi & quod eorum fuerit officium & quæ poteſtas tum reſpectu totius reip. tum reſpectu vicorum vel pagorum, cui juris dicendi gratiâ præſecti erant

VII. Reſpectu totius reip. nobilium illarum familiarum) der *Graven*) autoritas ferè in duobus conſiſtebat,

Acbat, i. quod haberent potestatem, ut soli de minori-
 bus rebus consultarent. 2. quod possent de majoribus
 rebus *πεγαυαρίων* sive *πεβυλίων*, quâ de re Arist. 4. Pol.
 14. & 15. Respectu verò pagi & vici, cui præerat Princeps,
 competeat ipsi Iurisdicção, mixtum & merum impe-
 rium (ut cum jure Romano loquamur) ita tamen ut qui-
 dam ex plebe delecti assessores jungerentur. Testatur
 hoc disertè Tacitus d. c. 12. *Centeni singulis ex plebe Co-
 mites, consilium simul & auctoritas adsunt.* Ingenuos autem
 hos Comites seu assessores fuisse ex eodem Taciti libro
 colligere est, dum dicit: *Liberi non multum supra servos
 sunt, raro aliquod momentum in domo, nunquam in civitate, ex-
 ceptis dumtaxat iis gentibus, quæ regnantur. Ibi enim & super in-
 genuos & super nobiles ascendunt. Apud ceteros impares liberi-
 ni libertatis argumentum sunt.* c. 25. Dicti illi Assessores, quos
 Tacitus *Comites* vocat, Germanis jam olim fortè aut post
 Schepen/Schöppen/Schöpfen.

IIX. Hic Germaniæ status & administrandæ reip-
 ratio adeoque & Ducum, Principum, Comitum (ut
 quidem his nominibus Tacitus utitur) conditio & po-
 testas apud Germanos Cis-Rhenanos mansit usque dum
 à Romanis victi, in provincias redacti iisque heriles ma-
 gistratus præfecti sunt. Ita enim Hottomannus c. 3. Fran-
 co-Goll. *Tertia Provincialium servitus erat, ut ne legibus
 suis patris uterentur, sed magistratus à Pop. Rom. cum imperio
 & securibus mitterentur.* Sic apud Tacitum IV. *Histor. c. 55.*
 legimus ab Imp. Vitellio ripæ Rheni præfectum fuisse
 Iulium Tutorem. Suetonius in *Domitiano c. 6.* bellum
 civile morum scribit à L. Antonio superioris Germaniæ
 Præside.

IX. Sciendum verò hîc, apud Romanos Ducum
 Comitumque nomen non eandem semper significatio-
 nem

nem habuisse. Ducis quidem appellatio ei primum tributa, qui exercitum ducebat: postea appellati Duces, qui provincijs præessent præsertim limitaneis, quorum officium fuit præesse rei militari istis in ditionibus, vid. Onuphrius Panvinus *L. 3. Comm. de Imp. Rom. 887.* Guido Pancirolus *in not. Imp. part. 1. cap. 139.* & Idem *thes. var. lect. L. 1. c. 5.* Id quod etiam obtinuit tempore Iustiniani, sicut apparet ex Rescripto ejus ad Belisarium, quod habetur *in l. 2. C. de offic. pref. prat.* Ulterius deinde Ducum potestas non ad res militares solum restricta, sed & ad juris dicendi potestatem extensa. Comites autem initio apud Romanos nominabantur, qui socij sive adjuncti alicujus erant: sic Papinianus assessores judicum *comites* vocat *in l. 4. D. de off. Assess.* ut & Macer *in l. 5. D. ad L. lul. reper.* Qui ergo in contubernium Imperatoris Majestatis adsciti (uti adscivisse optimos quosq; de senatu Adrianum scribit Spartianus) etiam *Comites* appellati sunt, quorum operâ & consilijs in bello & pace Imp. usi. Cum deinde Constantinus M. plurimis ministerijs aulicis, nec non provincijs partim ut militibus præessent, partim ut jus dicerent, quosdam præficeret, ejusmodi Comitibus ad istas præfecturas adhibitis, nomen ipsis Comitum mansit, & dignitas Comitiva dicta. Hinc passim occurrit mentio Comitissacrarum largitionum, Comitiss rerum privatarum, Comitiss Archiatrorum, *Vid. Cassiodor. L. 6. var. c. 7. 8. 18.* Comitivæ Syracusanæ, Neapolitanæ, *Vid. Idem capp. possessor. L. 6. add. & L. 7.*

X. Superatâ itaque à Romanis Germaniâ Cis-Rhenanâ, eam in plures provincias distribuerunt, ijsq; vel Duces, vel Comites, vel Duces & Comites præfecerunt. Ita legimus Ducem Germaniæ primæ, Ducem Mogun-

Moguntiacensem, Comitem Argentoratensem, Ducem Sequanicæ, Ducem Rhatia primæ & secundæ, Ducem Belgicæ secundæ &c. vid. Norit. Imp. & in eam Pancirol. *part. 2. cap. 25. & seqq.* Lehman *L. 1. chron. Spir. c. 9.* Ammianus Marcellinus *L. 27. ab init.* mentionem facit Carietonis comitis per utramque Germaniam: & sapius Idem suâ in historiâ comites nominat, quos Romani constituere.

XI. Apud Trans-Rhenanos Germanos diutiùs mansit antiqua reip. facies: verùm Francis omnia sibi subjicientibus & illa mutata est. Certè apud Saxones veterem reip. administrationem ad Francorum tempora durasse disertè docet VVitichindus *L. 1.* verba ejus sunt: *Atribus etiam Principibus totius gentis Ducatus administrabatur certis terminis exercitus congregandi potestate consenti, quos suis locis ac vocabulis ne vimus signatos, in orientales sc. populos, Angarios atq. VVestvalos. Si autem universale bellum ingrueret, sorte eligitur, cuj omnes obedire oportuit, ad administrandum imminens bellum. Quo peracto, a quo jure ac lege propriâ consentus potestate unusquisq. vivebat.* Hæc ille. Vnde obiter discere est, quàm fabulosa sint illa, quæ vulgò narrantur de VVitechindi regiâ in omnes Saxones potestate: quanquam illa etiam hinc possint refelli, quod nullius Regis Saxonici in historiâ Caroli Magni fiat mentio, & VVitichindus solis Angrivarij dicatur præfuisse. Cæterum Franci, morem Romanorum secuti, omnes terras in provinciæ formam redegerunt, & præcavendæ defectionis, ut & defensionis ab hostibus, nec non commodioris administrationis gratiâ *Duces*, i. e. summos gubernatores nonnulli earum, præfecerunt, quibus interdum Comites adjuncti, vel etiam Comitibus provincias sine Ducibus regendas concediderunt. Confirmat hæc,

B

quæ

quæ diximus, Beatus Rhenanus L. II. rer. Germ: In hoc, inquit, Romanos imitati sunt Franci. Nam illi Provinciarum rectores Duces appellabant, id quod ex libro magistratum Romanorum satis liquet: unde formula Ducatus Rheniarum apud Casiodorum in Variis. Deligebant autem ducem ex nobili familia. Sic Bojaris Agilolfingorum antiqua gens diu Duces dedit, ex qua Welfones prodisse suspicor. Hoc autem privilegium habebat ea familia à priscis Francorum Regibus, ut si quis fidus regno prudensq; ex eadem progenitus compertus fuisset, non aliunde quisquam ascisceretur in Ducem. Ergo primam dignationem sub Francis in Alemanniâ habebat Dux, proximam Comites. Similiter Vadianus L. I. de colleg. Monast. in Germ. vet. Franci Reges, dicit, Regnum suum Ducum maximè & Comitum operâ moderabantur, qui in illâ quidem ætate non suam seu propriam sed publicam regni ditionem administrabant.

XI. Duces igitur quod attinet, constat ex jam adductis Rhenani verbis, eos ex nobili familia optimeq; de patriâ meritâ à Rege & Proceribus electos, ita tamen ut filius dignus parentis munere non faciliè præteritus sit. Dignitatem hanc summam fuisse, non tamen aliam quam alicujus magistratus, Vadiani verba docent: provinciarum videlicet, quas gubernabant, plenum dominium apud Regem & populum mansit; ipsi solam administrationem & jurisdictionem quoad ecclesiasticas & civiles causas habebant, uti videre est ex legibus administrationi Ducis Bajoariæ præscriptis, quæ existant apud Aventin. L. III. annal. & Lehman. chron. Spir. L. 2. c. 16. Unde Idem Vadianus cit. loc. Illâ ætate, inquit, Duces & Comites non sui juris, sed Regum atq; Imperatorum officiarj veluti atq; ministrabant. Fuit autem & horum Ducum, necessitate exigente, militiæ præesse. Sic enim in L. L. Alemannorum cap. 35. dicitur: dum Dux militarem Regis

gis potest facere, i.e., exercitum gubernare, &c.

XII. Sub his Ducibus aliquando erant Comites, inferiores iudices, quoniam in civitatibus ac pagis provinciarum & in Ecclesiasticis & civilibus jus dicebant. Leg. Lehman. L. 2. c. 21. 22. 23. Atque Comites etiam belli praefides erant, ut constat ex Paulo Diacono L. 5. c. 14. dicente: *Ita (Alahis) dum Dux esset in Tridentina civitate cum comite Bajoariorum, quem ille Cravionem dicunt, qui Bauxanum & reliqua castella regebat, conflixit, eumque mirifice superavit.*

XIII. Quamvis autem expressa lege, teste Lehman. L. 2. c. 16., cautum fuerit, ut, si quis Dux de provincia illa, quam Rex ordinaverit tam audax aut contumax, aut levitate stimulat, seu protervus & elatus vel superbus atque rebellis fuerit, qui decretum regis contemserit, donato dignitatis ipsius Ducatu careat, insuper se superna contemplationis sciat se esse condemnatum & viam salutis amittat: successu tamen temporis autoritate & potentia Ducum crescente non nulli istorum Reges suos prevēre, eosque tanquam superiores agnoscere noluerunt. Quod prudenter perspiciebat Carolus M. duos Francici regni tum maximos Ducatus Bajoaricum & Aquitanicum sustulit, provinciis illis inter plurimos Comites distribuit: magno regiae potestatis bono. Testatur hoc de Bajoarico Eginhardus in vita Caroli his verbis: *Thasilo Dux Bavaria ad regem evocatus, ne redire permissus, neque provincia, quam tenebat, ulterius praesse, sed Comitibus ad regendum commissus est.* Eodem modo & alios Ducatus in plures Comitatus transmutavit: vid. Lehman. L. 2. c. 16. Vnde sub imperio stirpis Carolinae in historia Francica provinciarum gubernatores Comites seu Craviones plerumque appellantur, raro Duces, & licet fortē ab historicorum aliquo quis Dux dicatur, idem ejusdem provinciae ab alio Comes vocatur.

XIV. Fuit verò tempestate Francorum, præser-
tim ætate Caroli M. & sequenti, duplex magistratus,
 alius Ecclesiasticus, quem gerebant Episcopi circa sacra
 occupati; alius secularis, isque vel status & ordinarius
 iudicium, vel extra ordinem Legatorum. Illi dicebantur
Graviones, qui tum Latinum nomen ex more Romanæ
 reip. acceperant Comitum; Duces si qui fuere comitum
 potestate usi sunt. Potestate autem magnâ hi fuere præ-
 diti, vicariâ tamen tantum, non propria, consistebat ea in
 iure dicendi, & si necessitas efflagitaret, in ducendo ci-
 ves in aciem. Fidem dictis faciunt quæ in capitulis Ca-
 roli & Ludovici Imp. ab Ansegiso collectis habentur
 L. 1. c. 25: *In Vesonio qua est diæcesis Bernoini Archiepiscopi*
Heimicus Episc. & Monogoldus Comes. In Mogontiâ, qua est diæ-
cesis Heistsulsi Archiep. idem Heistsulphus Episcopus & Adalbertus
Comes. In Coloniâ Hadaboldus Archiep. & Ermundus Comes,
&c. Spectant huc, quæ scribit Marquardus Frehienus in
 comment. de Lupoduno p. 12: *Erat sum temporis (Pipini*
Caroli que ævo) Francorum ditto totaq, Germania vetus in
pagos tributa, singulisq, pagis, quibus unus Comes præpositus, sue
villa: inter quas præcipua Comitum domicilio cedebar, in qua se-
dem & aulam suam (quam Saalam ipsi vocabant,) tribunalq,
& auditorium (quod Mallum illis) haberet, ubi more majorum
ius diceret. &c.

XV. Officium horum Comitum patet ex ijs quæ
 ex diplomate quodam Caroli M. adducit Henricus
 Meibomius in vindicijs Billinganis: *Qua propter in illâ par-*
te Saxonie (V Vestvaliâ) Trutmannum virum inlustrem ibidem
Comitæ ordinamus, ut resideat in curre ad campos, in mallo (ju-
dicio) publico ad universorum causas audiendas, vel racta ju-
dictia terminanda, isq, advocatum omnium presbyterorum in to-
tâ Saxonâ fideliter agat, superq, vicarios & Scabinos, quos sub
se ha-

*se habet, diligentior inquirat & animadvertat, ita ut officia sua, sedulo peragant. Idem Comitibus inculcant capitula Caroli & Ludovici, ex quibus quod habetur L. 2. c. 6 adscribamus: Vobis verò Comitibus dicimus, vosq; commone-
 mus, quia ad vestrum ministerium maximè pertinet, ut reve-
 rentiam & honorem sanctæ Dei Ecclesiæ exhibeatis & cum Epi-
 scopis vestris concorditer vivatis, & eis adiutorium ad suum mi-
 nisterium peragendum prabeatis, & ut vos ipsi in ministerijs ve-
 stris pacē & iustitiā faciatis, & qua nostra auctoritas publicè fieri
 decernit, in vestris ministerijs studiosè perficere studeatis. Proin-
 de monemus vestram fidelitatem, ut memores sitis fidei nolis
 promissa, & in parte ministerij nostri vobis commissi, in pace sc.
 & iustitiā faciendā vosmet ipsos coram Deo & hominibus tales
 exhibeatis, ut nostri veri adiutores & populi conservatores iustè
 dici & vocari possitis. Illos quoque qui temeritate & violentiā
 in furis & latrocinis sive rapinis communem pacem populū
 perturbare moluntur vestro studio & correctione, sicut decet,
 compefcite. Et si aliqua persona in aliquo vobis impedimento fue-
 rit, quin ea qua dicimus facere non valeatis, nobis ad tempus il-
 lud notum fiat, ut nostrā auctoritate adiuti, ministerium vestrum
 dignè adimplere possitis. Addamus etiam ex L. 4. c. 5: volu-
 mus ut Comites, qui ad custodiendum maritimam deputati sunt,
 quicung; ex eis in suo ministerio residet, de iustitiā faciendā se
 non excuset propter illam custodiam: sed ibi secum suos scabinos
 habeat, si ibi placitum teneat & iustitiā faciat. Vid. L. 2. c.
 23. 24. L. 3. c. 50. Leg. Bosuar. 1. 2. Marculphi formul. 32. in Cod.
 LL. Antiq. Frid. Lindenbrog. His Comitibus fuerunt ad-
 juncti Scabini sive assessores, & quidem ex plebe electi, de
 quibus L. 3. c. 33. capp. addit. 1. 4. c. 73. 74. Legatorum seu
 Militorum officium clare proponitur in capitulis Carol.
 & Ludov. L. 2. c. 26. his verbis: Ad hoc à nobis missi consti-
 tuti, ut si quilibet Episcopus aut Comes ministerium suum propter*

quodlibet impedimentum implere non possit, ad eos recurrat: & cum eorum adiutorio ministerium suum adimpleat. Et si talis causa fuerit, quæ per eorum admonitionem emendari non possit, per eos ad nostram notitiam deferatur. Et si forsè Episcopus aut Comes aliquid negligentius in suo ministerio egerit, per istorum admonitionem corrigatur: & omnis populus sciat ad hoc eos esse constitutos, ut quicumq; per negligentiam aut incuriam vel impossibilitatem Comitum justitiam suam acquirere non poterit, ad eos primum querelam suam possit deferre & per eorum auxilium justitiam acquirere, &c. add. c. 27. 28. & L. 3. c. 39. 87.

XVI. Licet autem nec eâ ætate Comitatus dignitas hereditaria fuerit, nihilominus tamen ferè filij Comitum non negligebantur, id quod attestatur Capitulum Caroli Calvi apud Mireum in *Annal. Belgic. A. 877. fol. 403.* quod ita habet: Si Comes de regno obierit, cujus filius nobiscum, filius noster ordinet de his, qui eidem Comiti plus familiares, propinquiore s fuerunt, qui cum ministerialibus ipsius Comitatus, & cum Episcopo, in cujus Parochia fuerit ipse Conitatus, ipsum Comitatum prævideant, sive regant, usque dum nobis renunciatur, ut filium illius, qui nobiscum erit, de honoribus illius honoremus &c. Vid. Christoph. Besoldum *thes. pract. verb. Graff.*

XVII. Comites porro alij *Maregraven* dicti (à voce *March.* limitem vel fines norante, vid. *Lindenbrog. glossar. voc. Marcha*) qui finibus præfecti incursionibus hostium resistebant & simul ibi jus dicebant. Alij *Landgraven* / *Comites provinciales*, Alij *Pallensgraven* / *Palatii Cæsaris præfecti*, de quibus Hincmarus: *Comes Palatii de omnibus secularibus causis vel judiciis suscipiendis curam instanter habebat; ut nec seculares prius Dominum Regem absq; ejus consensu inquietare necesse haberent, quousque ille prævideret, si necessitas esset, ut causa ante Regem meritis venire deberet.* Et
Egin-

Eginhardus in vita Caroli M: si Comes Palatii litem aliquam
esse diceret, quæ sine ejus jussu definiri non poterat; statim liti-
gantes introducere jussit, & veluti pro tribunali sedens, lite co-
gnita, sententiam dixit. Alij Burggraven/arci cuidam
præfati: ita (sunt verba Hugonis Grotij de ant. reip.
Batav. c. 5.) Vassenariorum proavi ante Didericum Burggravi-
um fuisse, hoc est iudices arcis ejus, quæ in locum urbis Lugduni
Batavorum à Normannis, ut credibile est, diruti, successerat,
simulq; agri adjacentis: quibus etiam vectigalia, velut annu-
i Rheni usufructibus, solvebantur, quæ in hunc diem penes posteros
eorum manent.

XII. Ex his Ducum Comitumque originem
& usque ad illa tempora officium satis constare opinor.
Cum autem adducti Historici tradant, Ducatus & comi-
tatus in Germaniâ ad Romanorum imitationem institu-
tos, non ad stipulari possumus Cluverio L. 1. c. 48. ante
Germ. ita scribenti: Romani olim, ut multa alia à Germanis
mutati, sic hos quoque militia titulos in suam disciplinam ad-
sumserunt, præfectos provinciarum ducum Comitumq; adficien-
tes vocabulis.

XIX. Et si verò Carolus Magnus aboleverit Du-
catûs, posteri tamen ejus, rebus regni attenuatis, in
Germaniâ, Galliâ & Italiâ complures iterum institue-
runt. Et quidem ultimis Carolinorum temporibus
Germania, ut eam distinxeris à terris quas Venedi in-
habitârunt, quinque habuit Ducatûs, Bajovicum, Sue-
vicum, Francicum, Lotharingicum, & Saxonicum.
Quorum potentia tandem ea fuit, ut Duces hi de pro-
vincijs sibi proprio jure attribuendis cogitârint, liberè
Regum instar regnaturi. Cum enim tempore Ludovi-
ci IV. ultimi Regis ex Carolina stirpe, Hungari in Ger-
maniam irruerent, scribit Luitprandus L. 2. c. 6. nonnul-

Ludov. IV. ultimi
mus ex Caroli
stirpe. Dixit
los
ydo annos p
natum (Christi:

los Ducum Hungaris non solum pugnam non intulisse, sed ut proximi caderent anhelasse, ut dum proximi caderent, soli ipsi liberrime regnarent. Et Sigebertus A. 914. tradit, contra Conradum Regem potentiores regni Principes rebellionem meditato esse, scilicet Arnoldum de Bajoria, Burchardum de Suevia, Everhardum de Francia, Gilbertum de Lotharingia, & horum omnium præcellentiorum Henricum Ducem de Saxonia & Thuringia. Add. d. L. 2. L. 1. p. 7. Vnde satis liquet hanc in curam tum incubuisse Duces, ut se subjectioni subtraherent & instar Regum provinciis præessent. Primus Ducum maximè crevit Otto Dux Saxonie, qui etiam propterea à defuncto Ludovico electus in Regem, quam dignitatem licet recusaverit, & ejus consilio Conradus Dux Francorum in Regem fuerit unctus, testatur tamen VVitichindus. L. 1. pene Orsonem super & ubiq. summum viguisse imperium.

XX. Suscipiens Conradus imperium rursus in ordinem redigere Duces intendit & in visam regno potestatem, quam sibi arrogare cœperant, suppressere. Ex præse hoc de Saxonie Duce confirmat VVitichindus L. 1. his verbis: Igitur patre patria & magno Duce Orsone defuncto, illustri & magnifico filio Henrico totius Saxonie ipse reliquit Ducatum. Rex autem Conradus cum sæpe expertus esset virtutem non i Ducis, verius et ei tradere omnem potestatem patris. Quo factum est, ut indignationem incurreret totius exercitus Saxonici. Fieri tamen pro laude & gloria optimi Ducis plura locutus, promissit se majora sibi daturum, & honore magno glorificaturum. Saxones verò hujuscemodi simulationibus non attendebant, sed suadebāt Duci suo, ut si honore paterno eum nollet sponte honorare, Rege invito quæ veller obtinere posset. Rex autem videns vultum Saxonum erga se solito austeriorem, nec posse publico bello eorum Ducem conterere, suppetente illi fortium militum manu, exercitus quoque

quod, innumera multitudine, egit, ut quoque modo interficeretur
dolo. &c. Verum cum Conradus Henrici potestatem
nullo modo infringere posset, periculosam tamen reip.
ejus ~~improxi~~ videret, optimum existimans remedium
huic malo offerri posse, si ipse Henricus Rex constitueretur,
suasit fratri Everhardo, ut eo modo Francorum regno
consuleret, uti pluribus refert VVitichindus. Rectè
nimirum docet Aristot. 5. pol. 3. *Melius esse ab initio
providere, ne istiusmodi sunt improximi, quam post existentibus
illis remedium querere.*

XXI. Ergo prius, eodem VVitichindo dicente,
Henricus libera potestate regnavit in Saxonia. Cui con-
sonant quæ de statu Germaniæ sub Imp. Saxon. & ijs qui
hos secuti sunt scribit Rhenanus L. II: *Primus sub vete-
ribus Francis libera potestatis Dux fuit in Saxonia Henricus
Ortonis pater, qui postea Germanico regno præsuit, ac u diximus,
Idè, eam ob causam ut Scalvinos arceret: diligentius autem ca-
stodiuntur quæ propria sunt. Nec hoc jus cuiquam aliorum præ-
sidium concessum est. At sub Saxonibus libertatem nacti sunt non
solum provinciarum gubernatores, sed & civitates ipsæ. Nam ut
quæq; plus bonorum, quæ ad regnum pertinebant, habuit, ita ma-
gistris & facilius ad libertatem pervenit. &c.*

XXII. Hæc itaque ratione illa Comitum Ducum-
que potestas, quæ olim temporalis & ministra erat, par-
tim vi, partim emulione, partim profusâ Regum libera-
litate omnino mutata, ita ut provincijs præsent jam Du-
ces, non ut gubernatores, sed penè ut Reges, collatis
in eos ijs iuribus, quæ solius olim imperij erant atq; Im-
peratoris. Quo enim tempore Duces administratores &
rectores tantum fuere provinciarum, non compètebat
ipsis autoritate propriâ jus vitæ & necis, non leges fe-
rendi, non magistratus constitvendi, non indicendâ

conventus, non fœderis faciendi potestas; minora quoque, ut vocant, regalia, sub quibus vias publicas, flumina navigabilia, vectigalia comprehendunt; imò omnis generis redditus provinciarum non ad rectores illos provinciarum, sed ad fiscum regium pertinebant. Istæ omnia præfectis illis *avvocatias* jure in provinciis concessa sunt, salvâ tamen semper imperatoria superioritate: unde cum non omnino absolutam potestatem habeant, nec majestatem propriè eos habere dici potest; vocari verò solet eorum potestas *jus superioritatis*. *Landes Fürstliche Obrigkeit / Landes Hohen und Herrligkeit.*

XXIII. Ex his apparet quantum potestatis, virium & opum Imperatori decesserit, & quomodo respublica regiam faciem paulatim mutaverit. Antea provinciarum pleraque pleno jure totius imperij erant; post illæ ad gubernatores eorum venêre, & major subditorum factæ potentia ipsius Regis viribus. Antea fiscus regius satis opulentus erat; postquam autem fiscalina bona ad alios translata, publica regni egestas secuta, & nervus rerum gerendarum regibus præcisus est. Quo ipso non potuit non prisca reip. forma corrumpi, imò in multas partes dividit: multis scilicet ad eam potentiâ pervenientibus, ut, cum in ordinem à Cæsaribus cogi amplius non possent, domi regna nova sibi suisque concederent. Quàm verò periculosum sit omni civitati, si in eâ sint, qui viribus, qui nobilitate, qui divitijs maximè excellent, præclarè docet civilis prudentiæ unicus doctor 4. *Polit. II.* Hinc Idem 3. *Polit. III.* monet, regem oportere vires habere tales, ut unoquoque separatim & simul pluribus potentior sit, populo tamen sit impotentior.

Quod fortè perpendens Conradus II regalis quæ Ducibus concesserat, ipsis post adimere conatus est, uti tradit Autor *chronici Coloniensis*.

XXIV. Isti verò Ducum potentiz maximum incrementum indubiè addidit, quod plures ducatus vel comitatus minus circumspectâ regum liberalitate in unum corpus concreverint. quodq; eorundem regum concessu Ducatus & Comitatus ad heredes tandem transierint, quod quâ ætate factum sit haud licet desinire. Pertinere huc videntur, quæ habentur in consuetudinibus feudilibus L. I. tit. 1. *Antiquissimo tempore sic erat in dominorum potestate connexum, ut quando velens posset auferre rem in feudum à se datam: postea verò èventum, ut per annum tantum firmitatem haberent, deinde statutum est, ut usq; ad vitam fidelis produceretur: sed cum hoc jure successionis ad filios non pertineret: sic progressum est, ut ad filios deveniret: in quem se. dominus hoc vellet beneficium confirmare: quod hodie ita stabilitum est, ut ad omnes aqualiter filios pertineat. Cum vero Conradus Romam proficisceretur, petiitum est à fidelibus, qui in ejus erant servitio, ut lege ab eo promulgata hoc etiam ad nepotes ex filio producere dignaretur, & ut frater fratris sine legitimo herede defuncto, vel filius in beneficio, quod patris fuit, succedat, &c.*

XXV. Porro Ortonum temporibus Ducales & Comitum potestates Episcopis & Abbatibus coeperunt attribui, novo & hætenus inaudito exemplo. Adeoq; ex eo tempore duplex coepit ordo Ducum: secularium scilicet & Ecclesiasticorum. Primus autem Bruno Episcopus Coloniensis constitutus, à fratre Ottone M. Ducatum Lotharingiæ accepit. Quà de re ita VVitichindus: *Brunonem Pontificis summi ac Ducis magni vldimus officium gerentem; ac ne quis eum culpabilem super hoc dixerit, cum Samuelem sanctum*

sanctum & alios plures sacerdotes pariter legamus & iudices. Idem notat Autor Chronici Belgici: Ante hac sua (Brunonis) tempora Archiepiscopi Colonicenses non iudicis gladij temporalis sed tantummodo iurisdictionis usi baculo pastoralis. Ut & Theodoricus de Niem vetus hiltoricus: Penè omnibus Cathedralibus Ecclesiis in Italia, Gallia, Germania, Burgundia & Lorcharingia constitutis, multas civitates, castra, oppida, villas & multa alia dominia temporalia & iurisdictiones donavit (loquitur de Ottonel.) & omnibus illis Ecclesiis propria insignia perpetuò deputavit. Archiepiscopos quoque & Episcopos Ducatibus & Comitatibus & Baronis communicavit, quibus nobiles & potentes vasallos subiecit, ut semper essent ad resistendum etiam manu forti paganis & hæreticis in opportuno tempore fortiores.

XXVI. Atque hoc modo Ecclesiastica & secularis potestas in una personâ jungi cœpit, Episcopis, perinde ac Principibus secularibus, provincijs quibusdam investitis. Quo ipso potentia illorum nimium quantum crevit, ad religionis opinionem in populo rudi ac pio tantis viribus & armis accedentibus. Enimverò multis seculis temporibus illi Ecclesiastici Duces potentiâ præ alijs eminuerunt; neq; ipsi Cæsares alios magis metuendos habuerunt. Vnum tamen ad compescendam tantam potentiam frenum superfuit Cæsaribus; libera nempe omnium Episcopatuum & Abbatiarum collatio, & quidem eò liberior, quod in cœlibe vitâ nulla illi Principum ordinî legitima soboles nasceretur, cujus in secularibus omninò habenda fuit ratio; maxime posteaquam hi hereditario jure vasta illa Imperij feuda cœperunt possidere. Excussum autem & hoc frenum est Cæsarum manibus Gregorij septi-

Septimi & successorum ejus sacrâ tyrannide: quo ipso
Cæsares dimidium Imperij perdidisse prudenter & verè
notavit Onuphrius Panvinius *in vita Gregorij septimi.*

*Gregorij. Anno.
1070.*

XXVII. Occasionem quoq; Ducibus ad solvendâ
regiæ autoritatis vincula dedit immatura Henrici IV.
imperium aduentis ætas, uti observavit Albertus Abbas
Stadenſis: *Gubernaculo, ajens, regni mulier cum puero magno
imperij præfuit detrimento. Indignantes enim Principes au-
muliebri potestate constringi aut infansula ditione regi, primò
quidem conjuncti vindicarunt se in pristinam libertatem, ut non
servirent: deinde contentione moverunt inter se, quis eorum
videretur esse major: postremò armis audacter summis regem &
dominum suum deponere moliti sunt.* Laboravit Henricus,
quidem recuperare pereuntem dignitatem, sed neque
satis omnia prudenter egisse dicitur, & intervenère non-
nulla fatali quâdam adversitate, quæ penitus ipsum tan-
dem regno atque omni planè autoritate exuerunt. Nec
verò à prudentibus laudatur, quod ab Episcopis in or-
dinem redigendis reparandæ dignitatis initia voluerit
facere. Quin nec id prudenter inceptum, quod cum Sa-
xoniorum Principum potentiam, utpote ipsi præcipuè
suspectam, imminutam vellet; militari licentiâ irritari
eos antè passus, mox uno illos in petu ad obsequium
cogere, conatus sit: cū tamen nec rebus satis firmis esset;
& præterea jam tum, cum alios Principes, tum in primis
Episcopos multis injurijs offendisset, adeoq; in impieta-
tis ac injustitiæ opinionem se conjecisset: quibus regiam
vim affectanti nihil est perniciosius. Sapientissimè scilicet
Aristoteles jubet: *Stalicius potentia videatur dissolven-
da, erit hoc sensim ac paulatim faciendum, nec universa simul
auferenda. Præterea abstinendum omni injuria.*

XXVIII. Quanquam verò mirum in modum
Ducum Comitumque potentia creverit, nonnullorum
tamen sensum iterum est imminuta. Ejus autem rei
non unam licet causam observare. primam putamus ne-
glectum ararii, & quod vitam luxuriosè & in socordia
duxerint, prodigalitatis vitio quoque laborarint.
Cum enim divitiæ sint instrumentum reipubl. *Aristot. 1. Polit. 8.* necesse est, si illæ arario inferri non curentur,
& tamen luxuriosè vivatur, optimo conservandæ po-
tentia organo deficiente, ipsam potentiam deficere.
Imminuit deinde eandem, quod bella intempestiva &
contentiones inter se moverint, sicuti testatur Alber-
tus citatis verbis. Præterea maximè illis obfuit mul-
torum bonorum feudaliū in unum aliquem collatio,
quâ subditos quosdam potentes & divitiis excellere suâ
in republ. effecerunt, quod quàm noxium sit jam antè
ex *Aristot. 4. Polit. 11* monuimus, ubi, istos *ὕβρις καὶ
μεγαλοπρεπὲς μᾶλλον* fieri, neque imperium ferre posse
nescire, eleganter dicit. Hinc conspirationes nobilium
in Principes; eandem fortunam Principibus ex nobi-
lium potentia experientibus, quam reges ex principum
potentiâ consecuti sunt.

XXIX. Plurimum porro Ducum Comitumque
vires exhausit Ducatum & Comitatum in minutas
particulas pro multitudine, qui illustribus familiis na-
ti erant, diviso. Hæc enim ratione bona, quæ unus
possidebat, & maxima, quæ apud unum erat, potentia
pluribus communicata non potuit non attenuari.
Quod procul dubio attendens Fridericus Imp. prohi-
bit Ducatum, Marchiam, Comitatum dividi, ut ha-
betur in *L. 2. feud. tit. 55. §. 1.* Hinc pulcrè Oldradus de
Ponte

Adde,
de præcedenti.
V. p. thes. 35

Ponte ICrus (qui floruit Anno c13 ccc xx.) *cons. 237.
n. 7. Avorum nostrorum memoriâ feuda dignitatem apud unum
ex familiâ, præsertim seniore, semper facta sectâq; conservata
sunt; quia prudenter considerarunt, nihil esse tam magnum, quod
divisione parvum non fiat.* Vid. etiam Andreas Gailius
L. 2 obs. præf. 153. n. 2.

XXX. Multum denique potestatis Ducibus atque
Comitibus decessit, cum seculo præter propter duode-
cimo urbes, quæ pleræque illis omnino ratione jurisdic-
tionis & onerum fiscalium subjectæ fuere, in liber-
tatem majorem paulatim evectæ sunt. Auctis enim
oppidanorum viribus & divitijs, atque inde ad liberta-
tem, ut fieri solet, adspirantibus, ipsi Imperatores in
id incubuere, tanquam sublevandæ regis dignitatî
admodum proficuum, ut urbes potentiores Episco-
porum Ducum & Comitum imperio subducerentur.
Præterea crescente magis magisque urbium opulentia,
Ducum verò & Comitum potentia decrecente, urbes
imperium eorum detrectare cœperunt: unde levi sæpe
ære à Ducibus & Comitibus suis, qui illos in officio re-
tinere non poterant, egregias immunitates redemerunt,
partim etiam vi expresserunt. Atque hinc factum, ut
plurimæ urbes vel omnino, ut Imperiales, vel ex parte,
ut alias immunitatibus gaudentes, imperio Ducum
Comitumque exemptæ sint, & reliquæ quoque urbes
omnes liberiore republicâ nunc vivant. Id quod sanè
Episcoporum Ducum atque Comitum potestatem ma-
ximè fregit. Accedit, quod & Comites se Ducum, qui-
bus subjecti fuere, gubernationi eadem ferè ratione
subtraxerint: atq; adeo Comitum quidem potentia ali-
quo modo aucta, Ducum verò magis imminuta.

XXXI. Licet vero has ob causas potentia Ducum multum decesserit, satis tamen magna ea semper mansit, non solum respectu provinciarum subjectarum, quas eodem modo eademque fere potestate, qua totum regnum Imp. regit, regunt, ut dictum *ih. 22.* verum etiam respectu totius imperij, cui una cum Imperatore divisae majestatis juribus praesunt.

XXXII. Constat quidem jam tempore Caroli Magni Duces comitesque Provinciarum Proceres etiam regni fuisse, & licet totus populus ad curam reip. admissus fuerit, atque jus suffragij habuerit, his tamen plus auctoritatis tributum. Liquet hoc ex ijs, quae ex Adelhardi (propinqui Caroli Magni) libello de ordine Palatij refert Hincmarus Epist. 3. c. 29: *Consuetudo tunc temporis irrita erat ut non saepius sed bis in anno placita duo tenerentur; unum quando ordinabat statum totius regni ad anni vertentis spatium, quod ordinatum nullus eventus rerum nisi summa necessitas, quae similiter toti regno incumberebat, mutabat. In quo placito generalitas universorum Majorum tam clericorum quam laicorum conveniebant, Seniores propter consilium ordinandum. Minores propter idem consilium suspiciendum & interdum pariter tractandum, & non ex potestate, sed ex proprio mensi intellectui vel sententiae confirmandum.* Quod autem per Seniores intelligat Primores & per Minores plebem claret ex ijs, quae habentur c. 35. ejusd. ep. ubi disertè scribitur, *distinctis locis in Comitibus istis Seniores & multitudinem residisse.* Fuisse vero inter primores illos Duces & Comites videre est ex alijs monumentis. Sic apud Theganum Chorepiscopum Trevirensis lib. de gest. Ludov. Imp. c. 6. de Carolo Magno legitur. *Imp. cum intellexisset, appropinquare sibi diem obitus sui, vocavit filium Ludovicum ad se cum omni exercitu*

exercitu, Episcopis, Abbatibus, Ducibus, comitibus loca positis,
habuit grande colloquium cum eis Aquisgrani in palatio pacifice
& honeste admonens, ut fidem erga filium ostenderent, interro-
gans omnes à maximo usq; ad minimum si eis placuisset, ut nomen
suum, id est, Imperatoris titulum filio suo Ludovico tradidisset,
illi omnes responderunt &c. Initium Legum Alemannicarum
ita se habet: *Lex Alemannicarum, quæ temporibus Lotharii*
Regis cum Principibus suis id est 33. Episcopis. 34. Ducibus, 72.
Comitibus & reliquo populo constituta est.

XXXIII. Verum mutata atque apud Ducum Co-
mitumque potestate, majorem quoque eorum autorita-
tem in suffragiis de totius imperij rebus ferendis factam
esse, & quamvis populus non omnino exclusus fuerit, e-
jus tamen autoritatē admodum exiguam exitisse omni-
no dicendum videtur, præsertim plerisque urbibus Du-
cum Comitumq; liberæ potestati ab Imp. subjectis; un-
de plurimis urbibus in libertatem exsurgentibus, au-
toritatem etiam earundem in suffragiis ferendis iterum cre-
visse sequitur.

XXXIV. Cæterum insignis quoad Ducum, atq;
Comitum, ut & totius populi jura, quæ respectu totius
imperij habuere, mutatio contigit, cum electio Regis,
quæ ab antiquis temporibus penes omnes Episcopos,
Duces, Comites ac universum populum erat, ad septem
regni Proceres delata est, qui paulatim alias etiam præ-
rogativas præ reliquis Ducibus consecuti sunt: de cuius
mutationis primordio maximum inter viros doctos est
disidium.

XXXV. Hoc quidem certum jam antiquitus ob-
tinuisse, ut quidam Primorum ea haberent munera,
quæ hodie etiam Electoribus adscribuntur. Ita Apocri-
siary

fiarj (aliàs *Archicancellarj*) sæpius faciunt mentionem Hincmarus & alij, vid. *Lehman. L. 2. c. 7. De Archicamerario in Annal. Franc. A. 828: Ludovicus Imp. Bernhardum Comitem Pincernæ Camerarium in Palatio suo constituit. Marefchal-
cus comes stabuli dicitur Historicis, Regno L. 2. Carolus M. Burchardum Comitem stabuli, quem corruptè Constabulum appellamus, cum classe misit in Corsicam, ut eam à Mauris defenderet. Arcipincernæ munus idem invenire est in Annal. Franc. A. 781: Electi ac directi sunt in legationem ad Basilensem in Bajoariam de parte Regis Rudolphus Diaconus, atq. Eberhardus magister Pincernarum. Archidapifer Eginhardo in vita Caroli M. vocatur *propositus regia mensæ*.*

XXXVI. Verùm licet fortè hi ministeriales regij (ut appellantur ab Hincmaro) honoratiore aliquo loco fuerint, electio tamen Imperatorum ipsis solis non competit. A primâ enim Imperij Germanici constitutione semper fuit observatum, ut omnes Principes & populus Imperatorem eligerent. De Carolo Magno ita Eginhardus: *Carolus fratre defuncto consensu omnium Francorum Rex constituitur. De ejus filio Thegani Chorepiscopi verba idem testantur supra th. 23. allata. De Conrado V Vitichindus Lib. I: Regi Ludovico non erat filius, omnisque populus Francorum atque Saxonum quarebat Ottoni diademâ imponere regni. Ipse verò quasi jam gravior recusabat Imperij onus, ejus tamen consulum Conradus, quondam Dux Francorum, ungitur in Regem. De Henrico itidem V Vitichindus L. I: Everhardus (frater Conradi) congregatis Principibus & natu majusculis exercitus Francorum in loco qui dicitur Eridisleri designavit eum Regem coram omni populo Francorum atque Saxonum. De Ottone I. Idem: Defuncto patre patris & Regum maximo optimo Henrico, omnis populus Franco-*

Francorum atque Saxonum jam olim designatum Regem à patre
filium ejus Ottonem sibi eligis Regem. Eodem modo electus
fuit Otto II. teste Regione A. 961: Rex Otto I. in Italiam
ire disponens, maximam suorum fidelium multitudinem in Ver-
matia coadunavit, ubi consensu & unanimitate regni Proce-
rum totiusq; populi filius ejus Otto Rex eligitur. Sic & Otto
II. A. 983. Veronæ placitum habuit (ut scribit Dithma-
rus) & filius ejus Otto III. ab omnibus in Dominum eli-
getur.

XXXVII. Hujus Ottonis III. tempore ad septem
tantum Proceres devenisse jus eligendi plerorumque
est sententia. Sed quò minus isti subscribi possit, obstant
verissima & certa historiarum monumenta etiam post ejus
etatem non à solis septem electionem peractam aperte
tradentia. Id de Ottonis III. successore Henrico II. testa-
tur Dithmarus L. 4. & 5. Sequentis Imp. Conradi II.
electionem fusè narrat VVippo his verbis: *Conferre
Principes, populus frequentissimus adstabat, Archiepiscopus Mo-
guntinensis, cujus sententia ante alios accipienda fuit, rogatus à
populo quid sibi videretur, abundanti corde, voce hilari laudavit
& elegit majoris aetatis Canonem suum in Dominum & Regem
atque rectorem & defensorem patriæ. Hanc sententiam ceteri
Archiepiscopi & reliqui sacrorum ordinum ceteri indubitanter
sequebantur, tunc singuli de singulis regnis eadem verba & cetera
sapienter reperebant. Fit clamor populi, omnes unanimiter in
Regis electione Principibus consensiebant, in illo persistebant,
ipsum cunctis dominantibus nihil habitando proposuerant. Idem
de Henrico III. IV. & V. historica fide firmat Lehman,
L. 5. 6. 17.*

XXXIIX. De Lothario II. Otto Frising. L. 1. de
gest. Frider. c. 16. scribit: *Igitur Albertus, nam (id est)*

Idem regnum vacat, Moguntini Archiepiscopi ab antiquioribus
esse traditur, principes regni in ipsâ civitate Moguntinâ tempore
autumnali convocati; malorumq; à Duce Friderico sibi illatorum
haud immemor, cum prædictus Dux ad regnum à multis expa-
sceretur, ipse Latharium Ducem Saxonum in Regem à cunctis qui
aderant Principibus eligi persuasit. Idem c. 22. de Conra-
do III. Defuncto Imp. Lathario, ac in monasterio, Lutre, quæ
in ejus proprio fundo situm est, humato, principes regni apud
Gallia oppidum Confluentiam, ubi Mosella Rhenum influit, con-
veniunt; & de eligendo Principe consilium inveniunt. Igitur Conra-
dus Friderici Ducis frater, ab omnibus qui aderant, expostulatur,
ad regnumq; levatus in palatio Aquis coronatur. De Friderico
l. l. 2. c. 1: Decedente Conrado, in oppido Franconefurs de tam
immensâ transalpini regni latitudine universum, mirum dictu,
principum robur, non sine quibusdam ex Italiâ Baronibus, rari-
usquam in unum corpus adunari potuit. Vbi cum de eligendo Prin-
cipe primates consultarent, nam id juris Romani imperij apex,
videlicet non per sanguinis generationem descendere, sed per
Principum electionem Reges creare, sibi tanquam ex singulari
vindicatâ prerogativâ, tandem ab omnibus Fridericus Suevo-
rum Dux, Friderici Ducis filius, petitur, cunctorumq; favore in
Regem sublimatur. Eadem fuit ratio electionis Henrici VI.
Philippi III: Ottonis IV. Friderici II. Lehman. d. l. &
Onuphr. Panvinium l. de commissis Imper.

X X X I X. Notandâ hic sunt cum primis quæ
attat Friderici II. (quæ etiam vixit) scribit Albertus
Abbas Stadenfis in Chronico: Papa Gregorius insolentius
Imperatoris (Friderici II.) contra Ecclesiam meuens, Princi-
pes super electione ulterius sollicitavit, sed nihil profecit, quia
quidam Principum ei rescripserunt, non esse sui juris Imperato-
rem substituere, sed tantum electum à Principibus coronare. B.
lectio

lectio enim ad istos dinoscitur pertinere. Ex prætaxatione Principum & consensu eligunt Imperatorem, Trevirensis, Moguntinus & Coloniensis. Palatinus elegit, quia Dapifer est, Dux Saxonia quia Marscalcus, & Marggravius de Brandenburg, quia Camerarius, Rex Boëmia, qui pincerna est, non eligis, quia non est Teutonicus. Gemina sunt his verba Speculi Saxonici: : An des Keyßers Wahl / sol der erste seyn der Bischoff von Meyns / der ander der Bischoff von Trier / vnd der dritte der Bischoff von Eblin; vnter den Lehenfürsten / so ist der erste an der Wahl der Pfaltzgrafe beyim Rhein des Reichs Truchses / der ander der Herkog von Sachsen des Reichs Marschalck / der dritte der Marggraff von Brandenburg / des Reichs Kämmerer / der vierde der Schencke des Reichs / das ist der König von Böhmen / der hat keine Wahl / darumb daß er nicht Deutsch ist.

XL. Ex his de Electionibus Imperatorum allatis testimonijs de septem Electorum origine hoc statuendum videtur, quod jus eligendi omnibus, etiam plebi competens, primum sibi solis Principes attribuerint (vid. th. 38.) pōst commodioris electionis gratiā à toto Principum conventu quibusdam Primatibus demandatum, ut illi præconsultarent, quis eligendus, cui, si toti etiam conventui ita visum fuerit, regnum delatum, quemadmodum colligere est ex electione Friderici I. ex Ottone Frising. th. 38. descriptā, & ex verbis Alberti Abb. Stad. th. præced. adductis. Cum autē procul dubio qui munera ista regia obiēre alijs Principibus præcelluerint, hinc factum ut jus illud ~~ωβυλας~~ de eligendo Imperatore ad hos devenerit; qui tandē, crescente sensim aliorum autoritate, sibi solis omne eligendi jus, non convocatis omnibus Principibus, arrogarunt; atq; ita con-

suetudine post Friderici II. tempora plerumque obser-
vatum, usque dum expressâ sanctione illis Septem. viris
hoc jus cum plurimis alijs præminentijs à Carolo IV.
tributum.

XLI. Hæc de Ducum Comitumque origine, in-
cremento & variè mutatâ potentiâ atque autoritate
jam notâsse sufficiat; hoc tantum addito, quod, pote-
state Ducum comitumque mirum in modum, uti supe-
rius expositum, crescente, eò ferè tandem res deven-
rit, ut vix quicquam superfuerit, quo omnia unius regni
membra continerentur, præter Turcicæ potentiæ &
proscriptionis metum: donec Friderico III. & Maximi-
liano Imperatoribus de arctius conjungendis & cohi-
bendis Germaniæ ordinibus sedulo actum fuit. Quem
in finem in circulos Germaniæ divisi est, & supremum
Camera, quod vocatur, judicium institutum. Ea in-
terim fuit plerorumque Ducum comitumque, etiam sin-
gulos suspētes, potentia atque in suos subditos tam æquū
justumque imperium, ut aliquot seculis exteri quidem
populi contra Germaniam nihil tentare sint ausi; ipsi
subditi autem felicissimè sub illorum alis vixerint. Et
verò utinam liceat eum in modum nobis
diu vivere!

Επισόμματα:

I. Aristoteles 1. Eth. 1. Politicam dixit sci-
entiam maximè principem & δεξιότατον.
Item 1. Met. 1. Sapientiam maximè principem
esse & alijs præcipere docet. Virumque
verum.

II. Re.

Frid. III. Maxi-
mil. I. pater.

II. Regnum non est simpliciter optimus
reipubl. status.

III. Non convenit regnum omni populo.

IV. Regnum non convenit optimo populo.

V. Regnum πανβασιλικὸν rarissime uti-
le est.

VI. Reges qui sponte (i.e. non ex prescri-
ptâ à subditis lege) acta sua nolunt esse rata, nisi
aut ab optimatibus aut populo probentur, non
semper partiuntur suam cum optimatibus aut
populo potestatem. Si namq; huic in modum
sententia Regis rescindatur, non optimates &
populus eam rescindunt, sed ipse Rex quod sub
conditione voluit, eâ non existente, non amplius
sentit.

VII. Non semper obstat summo imperio,
promittere aliqua subditis ad imperii rationem
pertinentia, licet ad ea sine promisso non teneat-
ur.

VIII. Non rectè dividitur maiestas in
realem & personalem.

IX. Non dari remp. mixtam absurdè ne-
gat Bodinus.

X. Qua

X. *Quæ æqualitas in societatibus obser-*
vetur rectissime tradit Aristoteles 7. Eudem,
10, his disertis verbis: in societatibus interdum
æquale numero, interdum æquale propor-
tionem participant: si æquale numero argen-
tum illatum fuerit, secundum æquale nu-
mero fit distributio; sin verò numero non
æquale, secundum æquale proportionem.
Quid autem ipsi sit æquale numero (ἵσον ἀριθ-
μῶ) & quid æquale proportionem (ἵσον λόγῳ ipse)
explicat 5. Pol. 1. Duplex, inquit, est æqua-
le, unum numero, alterum κατ' ἀξίαν æqua-
le numero dico, quod multitudinem aut ma-
gnitudine idem est & æquale; æquale verò
κατ' ἀξίαν, quod λόγῳ sive proporti-
onem. &c.

